

— 4 —

21

Nerz ar boan a wask guechou ;
Gant ar zonz euz gloar ann envou,
'Vez sec'het kalz euz hon daelou.

22

Ankounac'heat frim ar goanv,
Labour kalet a gaver skanv,
Dirag eost mad pa zeu ann hanv.

23

Ra vezo meulet da viken
Hon Itroun-Varia Berven !
Eur zell out-hi enn hon anken !

24

Da fin hor Mision zantel,
Mar 'plij, Mari, d'eomp ho skoazell,
Ma kendalc'himp, bepred fidel !

25

Hor skouarn ne zelaou' ken gevier ;
Start e choumimp var Bag sant Per,
Karet a rimp Mamm hor Zalver !

26

Kounar Satan a zirolo ;
Bagik Sant Per bepred 'stourmo ;
Leon trizek a c'hounezo !

IMPRIMATUR

Corisop., 19^e Junii 1896.

Fr. CORRIGOU
Vic. général.



8 N1-3-035

KANTIK

ANN

ITROUN-VARIA BERVEN

TON : *Bale Arzur*

DISKAN

Pa vimp goasket gant ann anken
En em erbedomp, kristenien,
Ouz Itroun-Varia Berven.

1

Gant hon tud koz eo bet karet :
Eur chapel gaër ho deuz savet,
Enn enor d'hor Mamm benniget.

2

Guechall, kleuz eur wezenn zero
A voaskede, gant ann ilio,
Imaj Mari, meulet er vro.

3

Itroun-Varia ann Derven,
Oa bet les-hanvet ar Skeuden :
Chenchet, hirio, eul lizereenn.

4

Gant ann amzer oe diskaret
Ti diskloz eur Vamm, ken karet :
Diloj morse n'eo bet lezet.

5

A rumm da rumm, hag a bell zo,
Gant tud Leon ha tro-var-dro,
Euz a Verven ez euz hano.

6

Goazed, merc'hed ha bugale,
A-ziaveaz Guitevede,
D'he Chapelik a zirede.

7

Gwered Berven a zo kelc'het
Gant skabellou mein kizellet,
Evit diskuiz' pelerined.

8

Dizonjet eo Mesmenehy (1),
Enn he zav ema Penity (2),
Goudorik da bedi Mari.

9

Lambrusk Berven, livet skeduz ;
He c'hloc'h braz a zoune skiltruz,
Pa zirollaz dispac'h spountuz.

10

Dismantret ha mud a joumaz
Chapel Berven, lakeat enn noaz,
Epad tost da dri-ugent vloaz.

11

A nebeudou, nevez guisket,
D'ann iliz paour 'z euz bet roet
Tri gloc'h ; eun dudi ho c'hlevet !

12

D'ar Chandelour, p'anavezaz
Mari he flas e-tal ar groaz,
Oa e Berven ar pardoun braz.

13

D'ar Werc'hez e-kreiz he glac'har,
E-harz Jezuz var ar C'halvar,
Oa eno meuleudi ha gloar.

14

Enor 'ta d'ar Skeuden nevez,
Itroun-Varia a Druetz,
Hor skoazello enn hon enkreuz.

15

Eur vez a ve fall-galouni,
Pa welomp nerz-kaloun Mari,
Enn hevelep merzerenti.

16

Jezuz maro !... pebes anken !
Divreac'h Mari en em astenn !
Harp korf he Mab var he barlenn.

17

Ho polontez ra vezo grêt !
A lavar ar Vamm glac'haret,
Var-zu ann env he zell savet.

18

Lakeat Rouanez enn envou,
Dre-z-hi 'teu d'eomp ann holl grasou,
Enn draonien-ma leun a zaelou.

19

Hep gras Doue, e faziet ;
Beac'h ar vuez a zo pouner
D'ann nep a zisprij he Zalver.

20

Hirr ann dervez d'ar micherour,
Kalet ar guele d'ar c'hlanvour,
Ma ne zeu Doue d'ho zikour.

(1) Nom d'un ancien couvent près Berven.

(2) Penity est un petit oratoire adjacent à la grande chapelle de Berven.